



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 57. Concilium Romanum.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.  
A. C. 998.

§. LVII.

*Concilium Romanum.*

tom. 9. Conc.  
p. 772.

- Ad eundem annum nongentesimum nonagesimum octavum refertur Concilium, a Gregorio V. Papa Romæ, præfente Imperatore Ottone III. celebratum. Interfuere Episcopi viginti octo, ferme omnes Itali, quos inter eminenti Papa & Gerbertus Archiepiscopus Ravennæ. Octo Canones conditi. Atque in primo decernitur, ut Rex Robertus Bertam, propinquam suam, quam contra Canones duxisset, dimitteret, & septem annorum pœnitentiam secundum gradus ab Ecclesia præscriptos subiret, sub pœna anathematis. Eadem pœnitentia Bertæ injungitur. Archembaldus Archiepiscopus Turonensis, qui
6. 2. Benedictionem nuptialem Sponsis impertitus fuerat, & omnes Episcopi tunc præfentes, a Sacra Communione suspenduntur, donec Sacræ Sedi satisfecerint.
6. 5. Stephanus Episcopus Anicii Velatorum in eodem Concilio deponitur, quod ad eam Dignitatem a Guidone Avunculo suo & Antecessore, sine consensu Clericorum & populi, delectus fuisset, atque post ipsius obitum a duobus

bus tantum & diversarum provincia-  
 rum Episcopis ordinatus. Erant hi Dai-  
 bertus Archiepiscopus Bituricensis &  
 Rodenus Episcopus Nivernensis. Po-  
 pulo & Clericis Aniciensibus potestas  
 tribuitur eligendi alium Episcopum,  
 quem Papa deinde consecret. Rober-  
 tus Rex Stephanum Episcopum deposti-  
 tum non tueatur, sed potius illum,  
 quem populus & Clerici elegerint. Sal-  
 va Regi debita obedientia. Sequitur, ne-  
 minem tunc credidisse, vel pœnitentiam  
 Principi injunctam, vel comminatio-  
 nem anathematis, Supremæ ejus Pote-  
 stati quidquam subtrahere.

Sæculum X.  
 A. C. 998.

c. 7.

c. 8.

Porro in eo etiam Concilio statu-  
 tum, ut Episcopatus Merseburgensis, in  
 quodam Concilio a Papa & Ottone I.  
 Imperatore creatus, & sine Concilio ab  
 Ottone II. suppressus, restitueretur.  
 De Gislerio autem, qui relicta Sede Mer-  
 seburgensi ad Sedem Magdeburgensem,  
 suam Metropolim, transierat, decretum,  
 ut si canonicè probare posset, se Clericis  
 populoque id expetentibus fuisse transla-  
 tum, Ecclesiam Metropolitanam retine-  
 ret, si non vocatus a populo illam Ec-  
 clesiam adiisset, nullius tamen ambitio-  
 nis vel avaritiæ reus, ad Ecclesiam Mer-  
 seburgensem rediret, si vero ambitio-

c. 3.

Episcopatus  
 Mersebur-  
 gensis,

c. 4.

Sæculum X. nis & avaritiæ crimen diluere non pos-  
A. C. 998. set, ex utraque Sede dejiceretur.

Ceterum Robertus Rex non nisi post longas moras Decretis hujus Concilii obtemperavit; nam per duos tresve annos Bertam retinuit. Erat ergo excommunicatus, atque hæc censura exactissime servabatur. Omne cum Rege commercium cuncti fugiebant, duobus servulis exceptis, qui vitæ necessaria præbebant, & omnia vasa, ex quibus Rex cibum potumve sumpserat, in ignem projiciebant. Ista in hunc modum literis mandavit Petrus Damianus, qui annis exinde sexaginta scripsit. Idem Scriptor refert, Bertam ex illo matrimonio monstrum, collo & capite asserino, peperisse.

*Ep. 5. ad  
 Desid. Cass.*

Eodem anno, quo hoc Concilium habitum, vigesima Sept. Indictione duodecima, anno nempe Pontificatus Gregorii V. tertio, Salutis nongentesimo nonagesimo octavo, Imperator Ticini versatus Constitutionem edidit, qua reprimebantur abusus, qui in contractus Emphyteuticum & Libellaticum irrepserant, unde Clerici prætextum nanciscebantur, facta tecta non custodiendi, & Principi obsequia, quæ Feudo-  
 rum

rum suorum causa præstare tenebantur, Sæculum X.  
A. C. 998.  
non exhibendi. Ergo Princeps jubet,  
ejusmodi contractus non diutius valere,  
quam in vita Beneficium concedentis,  
iisque Successorem nullatenus obligari.

## §. LVIII.

*Ecclesia Hispanice.*

In Hispania Bermundus II. Regnum Le- Sup. l. LVI.  
§. 43.  
Pelag. Ov.  
p. 7.  
gionense ab anno nongentesimo octo-  
gesimo secundo moderabatur. Is cum  
Gudestum Episcopum Ovetanum, nul-  
la justa causa existente, custodiæ tra-  
ditum, per annos tres detineret in car-  
cere, atque ingentem terræ siccitatem  
diramque famem ob hoc peccatum a  
Deo immissam omnes crederent, com-  
motus captivum libertati restituit;  
moxque decidens pluvia agrorum ferti-  
litem revexit. Idem Rex tribus Ser-  
vis Ecclesiæ Compostellensis Episcopum  
suum criminis, quod omnes boni abo-  
minantur, accusantibus faciles aures  
dedit, jussitque Præsulem taurorum fe-  
rocissimo objici, qui cornua sua in ma-  
nibus Episcopi reliquisse fertur. Cete-  
rum Bermundus II. repudiata uxore  
legitima aliam duxisse, duasque præ-  
terea sorores concubinas aluisse legi-  
tur. Roderic. l. 5.  
p. 4.